

BAKURUBASANNI


(nimero 12 songo)

Mali kono = Dorome 300

Afinko kono = Dorome 600

Jamana were = Dorome 1000

Kunnafonisében bota kalo o kalo. BP: 24 Telefoni : 221-21-04. Bozola Bamako-Mali. San 31nan boko 372nan A songo : dorome 15



Zanwiyekalo san 2003

Medayi dira Ofisi di Nizeri senekela mogoo wooco ma,

Mali ye senekela mogoo wooco jansa Nono, zanwuyekalo tile 21, san 2003, ka senekelaw ka madayi da u disi la. Muso kelen be senekelawaraba ninnu ce la, a togo ye Madamu Aramata Koné. Nenaje in nemogoya tun be Nono Perefe bolo, Mari Jara. Nono mogoba caman tun be kene kan, ka fara medayisorobagaw somogow n'uti caman kan.

Jama in na, bee ne tun be Madamu Aramata Koné de la, ka da a ka cesiri kan. O de kama nonokaw ko a ma Nelenin. Madamu Aramata Koné ka baara koro tun ye mansinnasébenni ye. A y'o de bila ka don sene na. San o san, a be malo taari 15 sene ani no taari 8, a kelen. O de kama, medayi dato a disi la Perefe fe, sofajama ye tege warawara a kun k'u ka nisondiya jira. «AMAP» ka lasigiden garefa a la k'a nininka, a ka daliluwla. A y'o jaabi ko baara ni cesiri ani dugukolo kanu, o de y'ale sinsinnan ye.

Foli ni walejumandonw kofe, Medayi dira senekela waraba minnu ma. U togo file :

- Umaru Sako ka bo (Nango sahili kono).
- Sidi Tangara (Ala ka hine a la, ka bo km 17 la)

- Kamarogo Tali, Usumani Kulubali, Daramani Kulubali ani Madamu Aramata Koné, olu bee be bo Jabali. Medayisorobagaw ye foli lase Mali goferenaman ma, ka foli lase Nono cemogow ni Ofisi nemogow ma. U ye dugawu ke, ko Ala ka medayisorobagaw caya ka taa a fe u ka mara kono.

Peresidan Amadu Tumani Ture ka laseli sorodasiw ka sanyelémasesi senfe.



A y'a jira jalatigiw ni jalatigidankanw na, ani sorodasi tow, ko koro minnu temenna, u ye baaraminen di u ma u ka kan k'u hakili to baaraminen min na sanga ni waati bee lajelen na. Baara in b'u wajibya u k'u nefela file, ka larame ke fen ye u mago be fen min na; a kana ke laadala larame gansan ye.

Ko san 2003 la garadi 1000 be ta ani polisi 700 ani hadamadenw kolosibaga 100. Ko nagome 350 be di korenfela sorodasi kerenkerennenw ma; ko minenw be di sorodasi sotigiw ma.

K'o kofe sow bena jo ka di polisi nemogoyasoba ma ani polisiw dagayorow.

Korenfela sorodasi kerenkerennenw ni zandaramaw fana ben'u ka so kuraw soro.

K'a be sorodasi jejukuw wele danbe kene kan. A k'o te taa bonyamasegin ko sorodasiw ma an'u ka baara nafaw; i n'a fo laadamu ani baara nafaw ani ben ani ka tugu faso la.

A k'a b'a nini sorodasiw fe u k'u hakilito nin danbew la sanga ni waati bee ni barika ye.


Badama Dukure

KONOKO	
Mal depitew Sidra k'Onko konna	pe 2 till 3
Mal depitew veisanya kura wta kuryore makaran	pe 4
Ofisi di Nizeri ka san 2003 baaraw bolodara	pe 5
Ofisi di Segu	pe 5
Bamako ti Kulemale sirabadilan tsenna	pe 8
Kalankchi n'2han	pe 9
Wasolou abenkildala Tata Jakite latéra	pe 10
Ceulmusoyalmaatafai jonna, musomaninw te	pe 10
Burukina Faso intolatan negonkunjen kuncra	pe 11

Mali depitew sigira koɔriko kunna

O kera alamisadon, zanwuyekalo tile 2, san 2003 depitebulon kono. Minisiri woɔro tun be kene kan. Waati 12 de kera kuma na. Jininkaliw kera, u jaabiw fana dira. Nogó si ma to kuma na. Baabu tun be semudete feereliko kan, k'a wlema kenyereyew ka bolo kan. Depitew ye goferenaman lasigi jón na, ka jininkaliw k'e, ni ko benta don, a bëna ke cogo di ? Semudete baarakelaw ta bëna ke a la mun ye ? Senekelaw niyoro dun ! O n'a noggonna caman. Faso Mali bëna nafa jumén soro semudete feereli la ? Goferenaman tøgo la, minisiriw ye depitew jaabi. Laje in kuncera sufé, nege kanje 24 waati la. Ben kera a kan ko semudete bëna feere.

Depitew bëe lajelen sonna o ma, k'u ka nisondiya jira. Nka sanni ben ka k'e, kuma caman fôra. Sene, baganmara ni monni Minisiri ye kuma ta, Seyidu Tarawele. A y'a jira ko Mali ni Dagiri (o ye Faransi ãarada dô ye) jelen don ka nafolo don semudete dafe. Kemesarada la, Mali ta ye 60 ye, tubabuw ta ye 40 ye. O kofe, a y'a jira ko baarakela hake ye 5.000 ye semudete ka baara be boli jamana yoro minnu kan, mogó miliyon 3,3 sigilen be o yorow la. Olu ka lëmpo sarata hake be ben miliyari 25 fo 40 ma san kono. Kemesarada la, Mali ka kokanjago siratige la, semudete kelén b'i jo 6% o la san kono. Nin be b'a jira, ko semudete ye Mali nikun ye, n'a yiriwara be b'a here soro; n'a banana, o b'o cogo kelen



Minisiri Seyidu Tarawele

na.

Minisiri Seyidu Tarawele y'a jira, ko jinan y'a san saba ye ye, gelyea be semudete kan, a desera a yere koro. Ni goferenaman ka demen tun te, sisani tun b'a soro a nongirila a meenna.

Miliyari 230, goferenaman y'o di semudete ma, k'a lakunun. O te ko labanta ye, bawo o se te goferenaman ye tuma bëe. N'a ma ne ko semudete te tono soro bilen, don o don a be ka bin ka taa fe, a bëna ke doni ye, goferenaman têna se min koro abada. Fo ka a ko laje jemajolen na. Goferenaman y'a sigi k'a hakili jagabo, ka semudete baarakelaw ka nafa laje, ka cikelaw ka soro laje, ka faso yere ka yiriwa cogoya laje, ka Ala min, k'a kanbo dije waribonba ma (bankimunjali), u ka semudeteko file noggó fe,

bawo ale desera, mogó dan ye i se ye. Mali ni Bankimunjali benna feere minnu kan semudeteko la, goferenaman ye o de dajira depitew la. Nka sanni semudete ka feere, san 2005 la, a bëna a bolo bo baara to bëe la, k'a nesin koɔrisene dɔrɔn ma.

Duguyiriwabaaraw, kôlôsenw ni sirabadilanw, semudete bëna o bëe dabila, k'a nesin koɔrisene dɔrɔn ma.

An be don min na i ko bi, kodiwarikela nana do fara gelyaw kan semudete la. Koɔri te teme Kodiwari fe bilen, a be doni ka taa Dakaro, ka taa a feere tubabula. Jinan, tono tun ka kan ka ben miliyari 4,2 ma, nka Ala ni Kmdiwarikélé, a be dan miliyari 2,74 ma.

Semudete feereli bëna k'e sababu ye ka baarakela mogó 1690 labila; u ka hakew be sara o ye. Semudete y'a ka iziniw feereli damine ka ban, walasa a ka se ka mogó bilataw ka hakew sara u ye.

Minisiri Seyidu Tarawele yilalen kô, togodaw ni sigida lamini yiriwalijekulu ka dantigeli seben kalannen kô, depiete caman ye kuma jini, ka jininkaliw k'e.

Depitew y'a jira ko fen min y'a to ni semudete nongiri la, o k'a nefo. U ko, ko mogó minnu jalagira tijené na semudete kono, olu ka k'o bëna bila bolo min kan o ka fo. U y'a jira goferenaman na, lanini jenjén min b'u la semudete feereliko la, o fana

ne3

ka perelatige konuman u k'a sidon. Bila mara la, izini min tun bëna jo, o ko bë dakun jumën na bi, depitew da sera o fana ma. Fen min ye bagandumuniko ye, (IKOMA) ka bagandumuni, nininkaliw kéra o fana kan. Mali kono, bagandumuni bë feere sefawari (15.200 à toni kelen. An kéréfèjamanaw kan, toni bë feere (8.400), o faamuya ka gelon.

N'i ye min nininkaliw jatemine, a bë se ka fo ko laje in damine na, sigasiga tun bë depitew dusukun na sémudete feereliko la.

Minisiri Seyidu Tarawele seginna ka kuma jini tugun ka depitew ka nininkaliw jaabi, ka sigasiga bë u dusukun na. A y'a jira ko goferenaman t'a fe k'a kun foosi ka bë sémudete koro, k'a dagakolonci po ! A kun de ye ka fanga kura di sémudete ma, ka koorisene ke nafasorosira ye ciklaw bolo ani jamana bolo, a kana ke baara fu ye. Sene Minisiri temennen kó, Sogeli Mayiga ye kuma ta, ale ye izinikow ni jago Minisiri ye. Ale y'a da don

bagandumuniko la, ka kunnafoni caman di depitew ma u tun te minnu kalama.

Depitew aban ye sëben dilan, u hakilinaw bë sëben min kono. O

fe, olu kana ke falaki ye. U y'a jini hailibi goferenaman ka sémudete kolozi, k'a ke i n'a fo faso ta don, hali a feerelen kó.

U y'a jini sémudete ciklaw ka



sëben in bëna di jamana kuntigi ma. U y'a jira o sëben in kono k'u dijena ni sémudete feereli ye, nka saratiw bë a la. Tijeni minnu kéra sémudete la, olu ka nefo.

Baaraba minnu kéra goferenaman

kalan, k'u yiriwa ka ke sénékejekulu faamuyalenba ye. U y'a jini sigida lamini ka kalana, ka izini caman jo bagandumuni dilanni kama.

Alayi LAMU

Mahamadu KONTA.

Bajiko Lahalaya

Dogokun temenen in na ji jiginnna baw bëe la fo n'a kéra bajoliba ye Bamako ni Kulukoro.

San 2003 zanwiyekalo tile 27 la ji hake bë salon ta jukoro yoro dòw la; u bë dama ka kan yoro dòw la baw bë kan fo n'a kéra senegali ba ye Kayi ani bafin Daka sayidu ani bafin makana.

Nin waati kelen na ji bë hake jukoro baw bëe la fo n'a kéra Senegali ba ye Kayi ani bajoliba Bamako.

Talen nefe ji bë jigin bw bëe la. Nka yélémadòw bë kolozi Senegali ba ni bajoliba la k'a sababu ke Manantali ni Selenge baaracogo ye.

Fen ma fara koori songo kan

Ne bë peresidan Amadou Tumani Ture n'a ka fanga kura moggow nininka mun na u da ma se koori songonko ma?

Dò farala baarakelaw sara kan; dò bora fen dòw songow la i n'a fo ji ni kuran nka dò ma fara koori songo

kan; dò ma bë minenw songow la. Olu bëna mun soro faantanya keleli deme la. Fosi!


Anw sénékelaw jigi tun b'a kan ko fanga kura na dò fo koori ni minenw songoko kan; o ma ke. O y'anw sénékelaw nugu fanga kura moggow la dòonin.

An nana bala ka mun men? Ko ka sémudete feere; e nana yoro la, i ma baaraké fôlo, ko k'o feere, o t'anw ciklaw sago ye.

Lasina Sangare

Mémisala Danbelia Sikaso.

Mali depitew ye sariya kuraw ta k'u yere makaran



San 2002, kalo laban na, depitew ye sariya kuraw ta, k'u yere makaran sarako la; ka yelema don san 2002 Marisikalo tile 5 sariya n° 02 - 010 la. O sariya in tun be depitebulon labencogo, a ka baarakcogo, a biro n'akuluw mogow sigicogo ani depitew ka sarako pereperelatige.

Kerenkerennenya la, a tigeda 15, 16, 17 18 ni 19, olu minnu be depitew ka sarako boloda, yelema donna olu de la. yelema ninnu ye dofarakanw de ye.

Mali depite 145 benna min kan o kumbaba dow file nin ye :

U benna a kan, ko depiteyasara be jatemine forobabaarakelaw ka yelenda hake 1200 kan. Kalo o kalo, u kelen - kelen bee be 60.000 sor. O mana bo yen, Sosara, o jolen be u kelen-kelen ye. O hake bena pereperlatige kofe bulonba peresidan fe. Depite mana bo depiteya la don min na, ani hake dow ka kan. Ni tubabubaarakela tun don, a tun be baara suguya min ke, o yelenda

hakeba, o sara be di a ma. O kofe, depitew wele o wele bulonba kono, tile o tile, 3 600 be di u kelen-kelen ma.

Sariya kura in hukumu kono halibi, depitebulon peresidan ka sarako be jatemine forobabaarakelaw ka yelenda hake 1500 kan. Farankando fana b'a ye, o be ben 30.000 ma. Ka da u ka baara cogoya kan, nafolomugu hake do labilalen don depitebulon peresidanye, abe baara ke n'o ye, a sago la, nka o hake dogolen don.

Peresidan mana bo yen, depitew ka biro mogotow, olu fana be farankan ni kunkanfen caman sor. Kumalasela ta ye 20.000 ye. Kuluw peresidan n'u ka dankan, 4.000 fo ka se 10.000 ma, olu bo sor.

Depitew yajira, k'uyeuyere makaran nin cogoya in na tan, walasa depiteya danbe be segin a ma; u ka se k'u joroy fa a nema fasobaara la.

Alayi Lamu
Mahamadu Konta

Jamanakuntigi ka barosigi

Jamanakuntigi ye kunnafonilasela saba bisimila, Iburahima Solomani Kulubali ORTM, Si Solomani Si arajo bamakan, ani SeJose Tarawele arajo FR3. A kera peresidanso la. U jera ka masala, sankura damine in na, jamana kunkankow kan.

Baro in latemeko folo la tele la, a tun te men ka ne. Nka Arabadon, zanwuyekalo tile 15, san 2003, sufe, Telezurunali bannen ko, segin kera masala in kan; mansinw ma telewison mogow soso; bee ye baro in lamen ka ne, jabaraninfilelaw ni arajolamennaw.

Kibaru b'a ka nisondiya jira jamanakuntigi ka barosigi in na. Hali n'an ma wele a kene kan, jamanakuntigi k'i sigi, ka bamanankan kalamene saba ka nininkali jaabi, bamanankan na, ka kuma jamana kunkanko bee kan, nafa caman b'o la.

Hadamaden, n'i ye san 40 sor ka ban, i te denmisennin ye bilen. Jamanaw fana b'o cogo la. Jinan ye Mali ka yermahoronya san 43 ye. An sera hakili jaga ye, an sera miiri ni taasi ye sa! Halibi, an be dunkafa dakun na, o ma jenabo folo. Halibi, an be sirabakow dakun na. Halibi lakoliko ma sigi bolo kelen kan, o be popapo la. Nin bee ka kan ka mogoson hakili la.

An ka kan ka jamanakuntigi deme, ka depitew deme, ka meriw deme, u k'u hakilito fasodenw na, u ka hinse faantanw na. An ka je ka baara ke ka jamana in jo ka ne tije kan. Manden sigikan tun ye: KOLON - TELEN-BAARA.

Mogonuman dama min su be an ka dugukolo in jukoro, o ka ca. Olu koso, Ala tene jamana in labila mogosi ye.

Mahamadu Konta

Ofisi di Nizeri ka san 2003 baaraw bolodara

O baaraw in kera Ofisi kolatigekulu fe, jumadon, Desanburukalo tile 27, san 2002, Segu.

Ninan baaraw be ke «kontarapilan» hukumu kono.» Kontarapilan» ye baaraw feere waleyali bolodali sebenba ye, jamana, Ofisi ani cikelaw jera ka min laben. A daminena san 2002, a be ban san 2004.

Lañiniw ye - ka dunkafa sabati Mali kono ka joyoro numan di Mali ma, malosenko la Farafinna

tilebinyanfanbolo kan - ka Ofisi cikelaw ka soro yiriwa, ka dinelatige latemecogo numan nogoya u ye. Ofisi direkiteriba, Isufu Keyita y'a ninan kolatigekulu fe, u k'u hakili to nin lañiniw na, san 2003 baaraw bolodali senfe.

A jira la k'a fo, ko taari 72422 be senne ninan Ofisi kono nka taari 4204 be senne yorojalanw kan.

Tilemafesene be ke taari 5745 kan, nakosene ta ye taari 5621 ye.

Jaterminew y'a jira, ko ninan, Ofisi bennu malo kanma toni 487.633 soro. O be ben toni 6,5 ma taari la.

Nafolo hake min ka kan ka don baara ninnu dafe, o jaterminena :

jisiraw labenni be ben miliyari 3 ma.

Miliyari 30, o be ben baarabaw musaka ma. Baarakenafolo dakenena ni miliyari 6,820 ye. Ofisi ka nin laje 16nan in senfe,

kolatigekulu mogow da sera jilabinw keleli ma ani Sida ni jilabana. Ka ji saniman lase cikelaw ma, o y'o banaw keleli fura do ye. Kuranko,

ka yeelen lase cikeduguw la, u da sera o fana ma. Nonon dugukonona saninaliko, do fura o fana na. Ka Ofisi senefenw caya, ka kaba, tiga, so, pomuteri n'o nogonnaw senne ka fara malo kan, da sera o fana ma. O bee kofe, Barema Kulibali ye kuma ta Ofisi cikelaw togo la. A y'a jira nemogow la, ko feerew ka tige ka sigiyoroko nenabo Ofisi kono, bawo jama be ka caya ka taa a fe don o don. Ofisi kono dugu dow mogow cayara, fo ka sigiyoroko kura jira olu la. O kofe, mogow werew be ka

na, ka bo jamana fanwre fe, sigiyoroko ka kan ka jira olu fana na.

O mana bo yen, konowarikele senfe, maliden caman seginna faso na, o caman b'a fe bi ka na u sigi Ofisi kono, fo fura ka jini o fana na.

Barema Kulibali ye nin bee nefe kolatigekulu mogow ye.

Baaraw kuncera ni lañini dow jirali ye Ofisi fe. Ofisi y'a jira, ko ninan, san 2003 in na, maloko la Mali kono kemesarada la, u ben'jo ni 51 ye.

Wa ko san 2007 la u b'u jo ni Mali ye malako la.

Amadu Ogobara Dolo
Mahamadu Konta

Ofisidiri Segu

Malosenne cakedaba min be Segu, n'a be wele «Ofisidiri», o ka kolatigekulu mogow sigira, ka salon baaraw fesefese, ka ninan taw boloda. A nemogoya tun be senne, baganmara ni monni minisiri bolo, Seyidu Tarawele. Baara ninnu kera taratodon zanwuyekalo tile 14 san 2003 in na.

Ofisidiri nemogoba ka fo la, Kasumu Donon, a ka cakeda binna ni suman toni 8332 ye salon. Nka o n'a ta bee, u sera ka digijan wuli, o be ben kilimtere tan ni naani ni kembe ma. U sera fana ka taari 3098 laben ka ne malosenne kama. Ninan, soro hake benna malo toni 23.000 ma. O soro taari 16.000 kan o be ben toni 1,5 ma taari la. Musow ka soro yiriwali baaraw, balikukan ani sirabadilan, olu be se ka fara ninan baaraw kan ofisidiri kono.

Tine don, Minisiri Seyidu Tarawere ye foli ke Ofisidiri baarakelaw ye, nka a y'a ka nisongoya jira malo soro hake dogoyali la. A y'a ninu u fe u ka yelema don u ka

baarakcogo la. Senekelaw ka baaraw kolosibagaw, n'a fura ko samiye be ban ka olu dalen to birow kono, o te ben. N'a fura ko cakeda nafolo bee ka don birokconaw ni birokconmogow ka musakaw dafe kasoro sansintanya be cakeda baarakela dow bali ka taa u nedea forow kan, u ni cikelaw ka sigi ka kuma, o fana te ben hali doonin.

Porozew dabora cikela minnu demeni kama, n'o kera u ka segen juguyali sababu ye, o fana te se ka ben. Minisiri ye nin kumaw fo ka geleya Ofisidiri baarakelaw ma Segu.


Ninan, Ofisidiri la, san 2003 - 2004 baarakenafolo ka kan ka ben miliyari kelen ni miliyon 839 ma sefawari la.

Baaraw kuncera ni hakilina minnu ye, o dow ye ka juruw, senekeminew ni tubabungow soro noga cikelaw ye. Ka sigikafo sabati badabadaa cikelaw ni Ofisidiri ce tegedijogonma kono.

A. Ogobara Dolo
Mahamadu Konta

An be peresidan fo

Waleya dɔw
kera Mali
kono ninan
san 2002,
kabini an y'an
yereta o
waleyaw tun
ma deli ka ke
fɔlɔ.



Yaya Mariko

Waleya fɔlɔ : peresidan ye sanankunya sinsin sanankunw ni nɔgɔn ce. Filanan, kunnafonidilaw Ibarahima Solomani Kulubali, Si Solomani SI ani Se Jose Tarawele ye peresidan Amadu Tumani Ture nininkali min ke bamanankan na. Peresidan ye nininkali ninnu bɛe jaabi bamanankan na. A diyara maliden bɛe ye. An be peresidan fo a ka bamanankanfo la arajo la. Nin b'a jira k'a b'a ka jamana fe.

A ko baara minnu bɛna ke, o diyara anw faantanw ye kosebe. N'a sera ka baloko nɔgɔya, o be diya an ye kosebe sabu su min be diya, o be dɔn a fitiri la.

Kabini Amadu Tumani Ture sigira jamanakuntigiya la a kalo woɔrɔ filɔ nin ye, jamana basigira. Lakɔlidenw be ka kalan ke a nema. N'a tora nin cogo la kalan bɛna ke ninan.

Yaya Mariko

Kalabankoro Kati

Densonyanaw

Sokolo nɛmɔgo Asidizan Burama Kulubali ye cikan sɔrɔ ka bo sengedara dugu nɛmɔgo yɔrɔ nowanburukalo tile 4, san 2003. Ko densonyanaw donna u ka dugu kɔnɔ. U taara don musokɔrɔba do

n'a moden kan; u karila nɔgɔn na; moden in ma sɔrɔ. O waati kelen na, u ye fuladen dɔ ta; o kulela; u y'o fana fili; jama girinna, nk'u bolo ma da mogo kelen kan.

O yɔrɔ bɛe Asidizan Burama Kulubali ye wele bila a ka komini saba nɛmɔgɔw ma; Sokolo komini, Jabali komini, Dogofiri Komini ani dugu nɛmɔgɔw bɛe ani lakananikbagaw bɛe, ka kɔlɔsili ke mɔgɔ ninnu na, walasa u be se ka minɛ, sabu nin y'a siŋe fɔlɔ ye nin nɔgɔn mɔgɔjuguw ka don Sokolo mara kɔnɔ.

An be don min na i ko bi bɛe ye jantonyerla fari da ni sɛgesegeli ye Sokolo mara kɔnɔ. Kibaruya in lasera Burama ma mɔgɔ min fe o ye Sidi Tarawele ye.

Ibarahima Baba Jara

Dogofiri Surukutu.

Ofisi nɛmɔgɔ ni senekelaw ce gelyaw

Ne kamanaganna an ka faamaw ka ko la ka sanga san 2002 ni 2003 gelyaw ma. U ye senekelaw wele ko baji be tige ka kanari kɔnɔ bo; o gelyaya senekelaw ma kosebe; an ye waati k'o nisɔngoya la, fo dɔw y'u ka siw feere.

O faama kelenw tilala ka senekelaw wele ko goferenaman ye yamaruya di ko baji te tige kolon na, ko gelyaya be jamana kɔnɔ ninan, ko tilema malo ka sene. An y'an bolofɛnw bɛe feere ka don malosiw la k'olu seri, fo dɔw ye turuli ke.

O faamaw tilala ka baji tige senekelaw la. Malow jara; jabaw jara; an b'o kamanagan kɔnɔ sisian.

Morikɛ Koyita Animateri Dogofiri k20

Musofuru Musakaw

Gelya ye Ala no ye, nka gelya dɔw be yen olu ye mɔgɔw nɔ ye. Sabu n y'a kɔlɔsi an ka yɔrɔw la, an be don min na i ko bi, musomannin furasilen kɔrɔ, n'a be taa bila a ce fe yen fasayi, o musaka ka bon musoce kan bi an ka yɔrɔw la hali ka temen musomannin ka furasi musakaw kan. Musobila ye tile 3 ye an ka yɔrɔw la. Nka musaka min be don a dafé tile 3 kɔnɔ, o be kalo duuru musaka bo. N'a fɔra ko ka kalo duuru musaka dun tile saba kɔnɔ, i m'a dɔn o ye dumuni dan ye! N'a fɔra ko muso bɛe taa bila a ce fe yen, musoce dɔw be don da jugu fe ka juru ta; dɔw yere be boli ka taa musaka nini. nin bɛe ye tɔgɔ nɔfeko ye, k'a fo dɔrɔn ko karisa ka musobila diyara kosebe. Ne bolo o ye tɔgɔ gansan ye, sabu i ka musobila mana diya cogo o cogo musobilalaw taalen kɔ, o duguje o muso ka si kɔngɔ la e m'a dɔn k'o ye maloya dan ye. Sɔrɔ mana laada min sigi, gelya b'o wuli.

Basiru Kulubali
Sanankɔ Falajɛ Kati

Jamananɛmɔgɔ ka taama Ofisi kɔnɔ

Jamanakuntigi ye taama do ke Ofisi kɔnɔ; o taama in diyara Ofisi senekelaw ye kosebe. bawo a y'a jira k'an be se ka malo sene tilema fe, ko n'Ala sɔnna baji tene tige. Malo dɔnkofila san kɔnɔ, e m'a dɔn o ye hɛre dan ye. O tuma an be jamanakuntigi fo k'a walenumandɔn.

Bayini Sakɔ Animateri
Dogofiri Kaadɔkan na

Nininkali

Ne b'a jini semudete fe min ye koori filanankoye, a k'a laje, bawo koori be san ka nagamin nogon na; a be ka ne lafili.

A' ka kan k'a bila a dan na. Koori folo ni filanan be san ka nagamin; ne ma son o ma. Sabu Ala jebé an na; a songo te kelen ye. Ni folo ye filanan dun jurumu be na; walima ni filanan ye folo dun jurumun be na. An ka siran Ala ne ka baara numan ke. Ne ka foli be Kibaru baarakela bese ye. Ala ka Kibaru taa ne. Ala ka Kibaru kanubaga bese deme. Ala ka semudete yiriwa. Ala ka barika don Mali jamana la.

**Siyaka Danbele Wafaroma I A V
Madina Zayeri Koloni
Sekiteri Yoroso**

Semudete ka jaabi

Siyaka danbele ye kalan caman ke i n'a fo koɔrikolo labenni kalan. N'a ma min faamu a ka kan k'a ka Zayeri nemogó nininka. Koori sugandilen don kabini foro la fo Izini na. Nagaminni si te se ka ke a la.

N'i y'a men dijé ka di...

Ne b'a fo nemogow ye, ko n'i y'a men dijé ka di fo i ka fen damado soro. O fen folo ye dunkafa ye, filanan ye siyoro numan ye. Wa balo te cikelaw bolo; siyoro numan t'u bolo. N'a fora ko dijé ka di, cikelaw t'a don de. Ne b'a jini Mali nemogow fe, u ka cikelaw ka kibaruyaw ta u sebe la.

**Amari Fonba Animateri
Konsoson Namina Komini Kulukoro**

San kura jenajew

Kurumari pariti BDIA fasofigi denmisew ye san kura in kunben ni farikolojenajebaw ye Jabali; Sennaboli ni negesoboli. A jemaaya tun be Usumani Ture bolo, ka fara pariti tow kan. Bes nisondiyara nin jenajew la arabadon zanwiye kalo tile folo. Sennaboli kadara kono : Mogo folo : Siyakana Kante ye döröme 5000 soro. Filanan Banfa Tangara ye döröme 3000. Sabanan Musa Tarawele ye döröme 2000 soro. Negesoboli la, mogo folo solomani Buware ye döröme 7000 soro. Filanan Salifu Wedarawogo ye döröme 5000 soro. Sabanan Usumani ye döröme 3000 soro. Nin bannen k'o, BDIA fasofigi jemaaya ni Kurumari nemogó ye jenajew kunce ni dugawu ye san kura kibaruya kan.

Ibarahima baba Jara

Animateri Dogofiri Surukutu Jabali

Faantanya keleli

Ko kelen
kono na fili
be ne na.
Mali
faamaw da
jigin ni a
yelen, u b'a
fo ko ka
faantanya
kelé. N'i y'a Pate Boli Danbana
laje, i b'a ye ko Mali ka faantanya ju
be bo faamaw yere de la. Sabula,
Mali josen ye sens, baganmara ni
monni ye. O de be se k'an bo nogo



la, nka faamaw te a fe ka olu ye u ne na.

O köromasun ye mun ye, san 2002 la, no kilo 1 sera döröme 40 ma, Mali faamaw wulila k'u jo ko ka do bo no songo la, ko o ka ca. U t'a fe senekelaw de ka yiriwa. Bawo n'i ye mogó bolofén jaasi, o körö ye i'yá tigilamogó fana jaasi. Ni no kilo kera döröme 100 ye, san 5 dörön sezuru be feere Mali la, o de ye Mali diyalen ye.


**Pate Boli Danbana
Kita mara la**

Fulaw ni forotigiw

Fen min ye bagantigiw ni forotigiw ce geleyaw ye, jinan ta temenna.

Ni faamaw be min ke, u k'o ke sanni

samiye nata ce. Fulaw
ye min ke
jinan, n te
Ala deli o
dowere ka
ke. K'i ka
foro dun ka



Basumana Tarawele
laban k'i bugo i ka foro kono; ni
faamaw be wuli k'u jo, u ka wuli k'a
jo.

No te ka soro, minnin min be soro
fulaw be taa o dun, ko wari de b'a
jenabó. Wa u be t'i ka foro dun ka
laban ka forotigi bugo, kiiri fosi te bo
a la. Fulaw kumakan ye ko wari de
b'a jenabó.

An be kule la ko ja be, fulaw fana
k'u b'o jenin dun, n'a ko ma laje, a
ma ne folo de.

**Basumana Tarawele
Denenba Namina Kulukoro**

Bamako ni Kuremale sirabadilan bë senna

An ka jamana ye kōnōjamana ye, o dogolen te mögo la. An ka soro yiriwali sirilen bë sira caman kan an siginogon jamanaw na, i n'a fo kōgōjidajamanaw. O siratige la, Mali ka magonefen santaw kōkan, olu 70% tun be na Kōdiwari fe. Kele wulilen, o kera gelyaba ye malidenw bolo. A ka kan, bi - bi in na, ka bōsira caman nini. O hukumu kōno, Bamako - Narena-Kuremale gitōrōnda bë senna, ka Mali ni Lagine kōgōjidankān tugu nōgōn na. Siraba in janya ye kilometere 91,2 ye. A be ke sababu

ye ka Mali surunya kosebē kogoji la, ka teme siraba to bëe kan.

Jiribōnw daminen, bōgōw be ka ton k'u dakēne. Kalo duuru kōno, baara 10% dōron de sera ka ke. N'i ye Sibi sira mine, i b'a dōn ko, ko bë senna, nka Bamakoyanfan fe, fosi ma damine fōlō. Siraba in be bō du caman kan Sebeninkōro, o mögōw ka kan ka lawuli ka sigiyorō kura jira u la, ka u ka hakew sara u ye, o dun ma ke fōlō, o de be k'a ko sumaya Bamakoyanfan fe.

Baara in kalifalen bë Tunizikaw ka cakēdaba do la, o togó ye (ETEP).

A nafolo bë bë Farafinna tilebinyanfan waribonba kun (BOAD), Arabuw ka yiriwali waribon (FAD) ani Mali yere. A musaka bëe lajelen be ben sefawari miliyari 17,3 ma. Baara kuntaala janya ye san fila ye.

Alamisadon, zanwuyekalo tile 16, san 2003, Taransipōriko Minisiri, Usumani Isufi Mayiga ani Lamini lakanani Minisiri, Nankoman Keyita, olu taara u nēda baaraw kan, k'u fēlaw jira baarakelaw n'u nēmōgōw la. Mali forobabaarabaw nēmōgōfana tun be kene kan, Gabune Keyita. Baarakuntigw y'a jira ko ni Ala sonna a ma, baaraw be bo a sira fe, waati bolodalen kōno. O kuma mā Minisiri Usumani Isufi Mayiga kunmine, ka da baara fisifasa cogow kan. A y'a geiyea u ma, u ka do fara cesiri kan, halibi kufebaara min be a ko la, goferenaman ka baarakelaw ni Tunizikaw taw ce, Minisiri ko, o ka dabila, u k'u tēge di nōgōn ma konuman. A y'a nini birokōnomōgōw fe, u ka bo, ka na fara baardenw kan, ko bëe lajelen ka ke u nēna. Minisiri Nankoma Keyita fana y'a hamankow dajira sirabadilannaw na. Baaraw senfe, jirisun 2700 be bōn, dingebaw be tige, mugu be don kulu la ka faraw bō, kungo be tige k'a lankolonya. Minisiri Nankoman y'a jira, ko jiriw ka turu ka bōnnenw nōnabilita, ka dingekolonw lafa, wakasa kungo be segin a cogo kōro la don do.

Lasina Jara

Mahamadu Kōnta

Woro ni Kōdiwari kele

Kōdiwari ye dijé jamana fōlō ye woro be soro yōrōmin na. A be woro min bō san kōno o be se tōni 75.000 ma. Kōdiwari bë farafinjamana tōw labō ni woro ye. N'i ye mögo saba ta mögo fila be woro nini ka kōngō ni sēgen kele ani sunōgo.

Musocamntigiw b'a nini walasa ka do far'u fanga kan.

A be san kēme caman bō julaw (worojagolaw) de be nin jago matarafa. Kōdiwari ka i n'a f'u b'a wele cogo min na, togó bōlen don Ala n'a ka nē sababu. A ka ni ni jamana tōw ta ye woro be soro yōrō minnu na. Ni kele ma ban worojagolaw bēn'u nēsin o jamanaw ma, i n'a fo lagine Konakiri; o min ka san wori bōta be bēn tōni 50.000 ma.

Woro be nini yōrō min na kosebē farafinna bëe o ye Mali ye. San o san a be woroden miliyōn saba ladon. O wari bēben sefawari miliyōn 400 ma. Kēmesarada la 12 farala woro sōngō kan. Burukina

Faso ni Nizeriya ni Nizeri b'o cogo kelen na. Walasa ka gelyaw kele worojagola dōw be temen Gana fe ka jamana tōw lasōrō. O munumuni be taa tile tan ni duuru la. Ka soro laadallasira Buwake - bamako te temen tile fila walima tile saba kan. Dō be ka fara woro sōngō kan. Farafinna tilebinyanfan fe woro be dijelatige ko bëe la. Alisilameya ko fosi te t'a kō. Ale de be denkundi laadaw dafa k'a kēalisilameko ye. A be ke ka furu siri; a be ye suko fana kene kan. Ni woro te ssuw dacogo te nē. Ni woro kōnen don ma kan farafinjamana y'a ke alisilame fen ye.

Woro ka kunan; a be bo jirisun min na o be farafinna tilebinyanfan kungobaw kōno. A san tan be denni damine. Bilenman b'a la; jeman b'a la, an'o fila bëe. Feere fila nōrōlen don nōgōn na. A be do fara fanga kan sabu «kafeyini» b'a la.

Majengi Seki
badama Dukure.

Npogotigininw ka baarakalan bolodara ACODEP fe.

Poroze min nesinnen be sigida mogow ka yiriwalisiraw sinsinni ma, ACODEP, o ye musomanninw ka baarakalan ta nibarika ye, Buguni, Kangaba, Doyila, Kita ani Kati maraw kono.

O yoro ninnu na, ACODEP ye duguyiriwakalanso 98 jo. Kalanden mog 3321 be o kalanso ninnu kono. Nin baara ninnu daminen san 1996 ka taa se san 1999 ma. A nesinna musomannin san 9 ka se san 15 ma, faantanya keleli hukumu kono. U kalanna bamanankan kalanni n'a sebenni na. ACODEP nana ye ko kalanje in doron te boli ke, u ye baarakalan fara u bolodala. Mog 481 sugandira kalanden korow ce la, k'olu dege baara suguya caman keli la. Numuyakalan kera Doyila, dogotoroyakalan kera Buguni, negebaarakalan kera Kita, kalalidege kera Narená.

ACODEP nemogoba, sekina Ture taara a neda dogotoroya kalanbagaw kan Buguni. Olu tun ye npogotiginin 23 ye. Ada sera npogotiginin ninnu ka baarako ma, u ka kalan tiimenen ko. Deme ninina Buguni Perefe fe, a meri ni marabclo nemogo bee, ka Buguni dogotoroso baarakelaw fara o kan, u ka feerew tige ka baara di npogotigininw ma u ka kalan kana ke fu ye.

Buguni dogotorosoba nemogo, Dirisa watare y'a nini ACODEP nemogo fe, doka fara halibi, npogotiginin ninnu ka kalan kan, walasa u ka se ka keneya sabatili baara kunfolow nedon a nema. A y'a jira fana, ko ni dogotoroyakalan gafewsera ka bayelema bamanankan na, o be fisaya kosere; ka baarakeminan ni fura dow fana di npogotigi ninnu ma, ka fara o kan. ACODEP ye sigidaw dugutigiw, a mogokorobaw n'a mogobaw laje, k'a nini u fe, u ka denmisen ninnu deme u ka se u ka baara kecogo la, matoreniw ni tinminenaw kerefe. O kene kan, a jirala npogotigininw na u k'u ka baara ke sabali ni majigin kono.

A ninina marabolow nemogowni komini nemogow fe, u ka feerew tige, npogotigininw ka sarako ka se ka sabati. ACODEP b'a cesiri ka sigida mogow deme, ka npogotigiw deme baarako la, nka fo sigida nemogow fana k'a deme ka baara to dafa, k'a sinsin.

Moriba Kulibali
Mahamadu Konta

Baloko

Ne ka kuma nesinnen don Mali goferenaman ma. K'a sababu ke goferenaman ye sariya numan min ta ka nesin malidenw ma san 2002 kono, k'a ta setanburukalo la ka taa a bila desanburukalo la. Goferenaman ye takisi wili ka bo malo kan ani nafamafewcaman, sabu sanjintanya ye fenba fara balo songo kan.

O temennen ko an b'a nini goferenaman fe halibi a k'a seko damajira ke san 2003 kono, k'a damine zanwiye kalo la ka taa a bila desanburukalo la. A k'a seko bee ke baloko la. Ala ka goferenaman deme Mali suturakow la.

Lamini Danbele Nantinan Fyo San

Samiye ma diya

Samiye ma diya, soru ma ke. Ne b'a nini nemogow fe, nogo ni posoni minnu juru donna senekelaw la, n'u ma sanwere kono olu juruw sarali la, ninan koorian be ke ka na koori pese k'a ce ka taa n'a ye, hali dorome kelen te di senekelaw ma. N'o kera, samiye nata, senekelaw na faga kongo fe. Ni nemogow m'o laje, kooriw mana pese ni mogomin ye kilo 10 soru k'o don balo la, walasa samiye nata ka se ka kalo kelen soru dumunikela, ka se ka danni ke n'o no sannerw ye.

Nka foli be Kibaru nemogow ye; ka makasi ke Mali nemogow la.

Abudu Burama Konare
Jifale Torodo Jedugu.

Kalankene n° 2nan

An y'a klosi, mogo caman be filiw ke cayali kecogow la sebenni na.

Cayali taamasiyen ye W ye bamanankan na.

Misali:

Mogow tun be fere la (mogo caman)
Baganw taara kungow la (bagan caman)

Binw juguyara ninan (bin caman).

Kolsili: Nka tuma dow la, togobe seka ke fen caman ye, nka a te cayali taamasiyen ta. O misali dow file : ce dow (ce caman don nka wte ce la). Wale minnu (wale caman don nka wte wale la)

Mogokoroba hakilimaw (mogokoroba caman don nka wte mogokoroba la).

* Ni mankutu, jiralan, nonabila, n'u nognaw dalen be togokan, wbe fara dane laban doron de kan, ka togocaya jira, a te fara togokan. An y'o de ye sisan, misali ninnu na.

* Togow mana da - da nogn k'o, ka ke fila, saba fo ka teme o kan, laban doron be se ka cayalan ta hali n'u bee ka ca.

Misali : Dugu ba, saga ni misiw tara kungo kono.

Misi doron de ye wta nka o koro te ko ba ni saga ye kelen kelen doron ye.

Mogo min man'a seben : «Dugu baw, sagaw ni misiw taara kungo la» o fana te fili ye.

Cayali be ke ni hakelanw fana ye :

Mogo fila. A te seben mogow fila.

Muso tan. A te sebe musow tan.

Dugu bee (dugu caman nka wte dugu la).

Cemisen caman (cemisen ka ca, nka wta la)

* Nka n'i b'a fe ka caya yankan bonya, ka sinsinni ke, ka pereperelatige ke, hakelan be se ka wta, o hukumu kono.

Misali : Terima filaw ce ka gelon.

O hukumu kelen kono, togobe se ka wta tuma dow.

Misali : Cemisenw camanba, npogotigiw camanbaden, yoro kelen na, patisakana!

Mahamadu Konta
Bamanankan
maben kura san 1997

Wasolon dɔ̄nkilidala Tata Jakite fature



Ka Tata Jakite to a ka sanga tan-ni-fila-fili la, a ka di diñe ye, diñe ka di a ye, Ala y'a ka kalifa miné a la.

Wasolofoli Kanubagaw ani Mali foli kanubagaw, Farafinna ani diñe kono, bëe lajelen dusukun kaminkaminna Tata Jakite ka saya la.

Tata Jakite seginna Ala ma jumadon, zanwuyekalo tile 24, san 2003. Dogotorço min bë wele Ba ni Den ka dogotorço, a tun dalen bë yen, Hamudalayi Kulju la.

A' hakili b'a la, okutoburukalo la, Tata tun ye kasaara soro, San sira la, kariyoro fila yera a sen na.

Dogotorow wajibiyara ka sen in tige. Kabini o kera, don o don do be fara bana juguya kan; fo ka mogow jigi misenya. O laban kera saya ye.

Tata Jakite banger, a san 27 ye ninan ye, Madinajasa Yanfolila mara la.

A ye foli damine ni laminchi ye naraw kerefe san 1989.

O hukumu kono, a ni Jeneba Jakite jera ka baara ke. A ni Tenen Sidibe, Yoro Jalo, Abubakari Disa n'u b'a fo a ma Kiben, Molobali Tarawere ani Mariyamu Jakite, jera ka baara ke sani a k'a jo a yere Kolola, ka dɔ̄nkilida ke a yere ye.

Mayikano, o ye dɔ̄nkilidalaw demebaga ye Bamako yan, o ye Tata kolosi naraw senfe, k'a ye ko don dɔ̄ dɔ̄nkilidalaba wulito ye nin ye, k'a deme a ka se ka kaseti bo. Tata ka kaseti folo togo ye «Denmisenninw».

O kera sanga damine ye. O senfe, a taara Mali dugu caman na, ka taa farafinna dugu caman na, ka Farajela ke : Esipani, Faransi, Iamerikenjamana. A taara yoro o yoro, a ye sanga ni jolimandiya soro

yen, ka wasolofoli ni Mali foli sankorota.

O kelen min ke, Sori Yatasaye o fana ye dɔ̄nkilidalaw demebaga do ye Abijan, o y'a deme, ka kaseti filanan labo. O kaseti in na, Tata ye folisen kuraw fara a ka wasolofoli kan, i n'a fo Erege ni Zuku, o ye do fara a ka sanga kan, denmisennin kunda. Kalo seegin kono, a ka kaseti 50.000 feerela. Wele tun bilalen don a ma ka bo diñe fan caman na, a ka taa foli ke u ye. A demebagaw n'a kanubagaw tun kelen be ka feere caman tige a ka sannayelen kama, nka Ala ma son o ma. Tata fatura ka den saba to a k'o, ce kelen ani musomanin fila. Tata Jakite, Ala ka hine i la.

Yusufu Dunbuya
Mahamadu Konta

Cenimusoya matarafalijoona, musomaninw fe, o n'a geleyaw be nögön na

Farafinna ton min nesinnen be musoya minenw tinenibaw keli ma, o ka lajeba 7nan kera Bamako yan, ninan. Alamisadon zanwuyekalo tile 16 san 2003, Mali dogotorobaw farafina ani diñe dogotoroba dòw, minnu ka baara nesinnen be cenimusoya minenw lakanani ma banajuguw tooro ma, olu jera ka hakilina falen-falen ke musomanninw ka ceko kan.

U y'a jira k'a fo ko Farafinna kono, musomanninw be kon ceko ma. O bë na ni tineni caman ye u ka musoya minenw na. Bamako yan, jateminew y'a jira komusomanninw be u ka ceko folo ke san 13 ni 17 furance kono. U caman be konota kasoro u ma kogo. Dòw be siran ka kon o tige, o caman be ke saya ye.

Ni minnu ma son o ma, olu jigin tuma

mana se, o y'a dama kara ye. Joli keneyabali be bila dòw ka minenw na, farali be se ka soro a la, ani tineni werew.

Baneyelemataw o ka jugu n'a to bëe ye, Sida be olula. Musomannin minnu mana nin banajuguw soro, hali n'u keneyara densorobaliya bana be se k'u mine.

Dogotorobaw benna min kan, bana kunben ka nögo ni banafurake ye, o ye ka musomanninw kunnafoñi, k'u kalana cenimusoya latemecogo numan na. Bangebagaw k'u sigi ka kuma udenmusowfe, ka cenimusaya minenw lakanogo fo u ye.

Lakolisow la, kalandenw ka kalan a nema a kola; ka denmisennin jekuluw dilan, minnu be se k'u tologonw kalan cenimusoya cogoyaw la.

Mahamadu Konta.

Ntolatan : Burukina-Faso nōgōnkunben kuncera

Sibirdon, zanwuyekalo tile 18, san 2003, Farafinna ntolatanna denmisénw (minnu te san 20 bɔ, zinoriw) ka nōgōnkunbenba kuncera-Wagadugu Burukina Faso. Bilesi Kōnpaweretun bɛ kene kan, Burukina peresidan, Isa Ayatu tun bɛ kene kan, Farafinna ntolatanko nōmōgo, ka fara ntolatan kanubaga caman kan.

Misira (Eziputi) denmissénw ye joyor fôlô sôrô, Kôdiwari kera filanan ye, Mali ke a sabanân ye, Burukina kera naaninan ye.

Farafinna denmisénw ye ntolatansen min jira nōgōnkunben in senfè, o b'a jira k'u bɛ se ntolan na a nema. O b'a jira fana, ko ntolatan bɛ nstaa sira kan Farafinna kôno.

Fen min ye Mali samatasège fitininw ta fan ye, siga si t'a la, u fana tun bɛ se ka joyor fôlô sôrô, bawo, mōgôw b'u la, minnu tun bɛ seka se di Mali ma sanga ni waati bœ.

Munna Mali ma se ka Kupu ta?

Ntolatanna denmisénw ka kupudimondi

Zinoriw ka Kupudimondi bɛ damine mariskalo tile 25, k'a kuncé awirikalo tile 16; jamana 24 bɛ ye kene kan, Emira Arabu jamana kan:

Kula fôlô : Emira Arabu, Silaowaki, Panama, Burukina-Faso.

Kulu filanan : Arizantini, Esipani, Uzibekisitan, Mali.

Kulu Sabanan : Berezili, Kanada, Cekijamana, Ositarali.

Kulunaaninan: Kôlonbi, Eziputi, Zapô, Angilejamana.

Kulu duurunan : Makanjamana, Erijamana, Mekisiki, Kôdiwari.

Kulu wacônan : Parage, La merikenjamana, Kore, Alimanjamana.

Ntolatan dönbagaw y'a jira, ko Mali Zinoriw binuyor ma n̄, bawo an ni Arizantini bɛ kulu kelen na, olu de ye Kupu ta nōgōnkunben temenin in na. An ni Esipani fana bɛ Kulu kelen na. Bœ b'a dö denmisennin ntolatan na. Esipani ka farin i ko tasuma. Tine yere la, Mali bɛ kuluminnna oka nōgōnkunben kulu to bœ ye. Wa kulu o kulu, fila bɛ bin, fila bɛ taa nœ.

Malima seka Kupu ta bawodenmisénw ka laben ma sabati, a ma ke ka n̄. Ode y'a to ntolatan 3 temenin kô, o y'a sôrô an ka cogo cib banana, dôw yere desera, k'u sègen. O kofe, degelikaramogô fana ka feerew ma n̄. Tuma o tuma, bi bɛ don Mali fôlô la, o kofe Mali bɛ sôrô ka wuli. O cogo la, ni i ni mogo min fanga ye kelen ye, n'o y'i bin, i te wuli abada. O de kera an ni Ezipiti ta ye. O kofe, e degelikaramogô, e yere b'a dô, i ka kofemogôw man ni, o ka bën tine ma, i ka jokolsibaga fana man ni ka fara o kan, e jigiye mun ye? O mana bô yen, hakilina do fana bɛ degelikaramogôw la, an temena o kan a meena. O ye mun ye? Ka nana lasigi kerefe, ko n'a ganna tuma min na i b'o layen. O hakilina in man ni ntolatan

na. Nana bɛ yelen tuma bœ, a ka a ka nanaya jira, n'a ma se ka o ke, o tuma nana te. Bœ tun jigidalen bœ Jamuntene kân, nka an m'a ye, an laban bœ nini ka siga a la.

Mali ni Gabon : 2/2

Mali ni Afirikidisidi 4/2

Mali ni Burukina 1/1

Mali ni Eziputi 0/1

Mali ni Burukina, joyor sabanan nînî 1/1, penalititan na 5/4.

Faso tôgô la, jamanakuntigi ye ntolatannaw n'u degebagakaramogôw fo, k'u walenumandon, bawo u ye Faso kunkôrta janjo kene kan. A y'a ka foli lase ORTM fana ma, bawo, Mali telewisoñso taara Burukina deme ka jaw lase dinje bœ ma.

Mahamadu Konta

Dirisa Jara «BAJE» kumana Burukina Ntolatan kan

Kunnafonidilaw sera Dirisa Jara ma, a bœ wele «Baje». Mali ntolatannaw do don. A bœ ntolaci samatasège fitininw fe, «Zinoriw». Burukina ntolaci temenin in na, ale ni Amara Dugure ni Seku Kulubali, olu de nana ka bœ Faraje la, ka na fara tœw kan. Baje san fila ye nin ye, Italijamana kan ntolatan na. Mali ka kunnafonidiseben «Esori», «Jætaa», ye piinkali minnu ke a la, o dœ file nin ye :

ne 12

Tulon

Nin desen fila dilanga y'a dab'a kama ka fili 10 k'ula. A'yolu nini.



jâabi

1) Pele un. 2) Barakela da. 3) Duljik tam min kalaen don. 4) Barakela bonbon. 5) Wsili tomi kelen. 6) Pele kara. 7) Vreye ell nw. 8) Duljik bolo min tenuuen don. 9) Barakela kô. 10) Duljik dugumana nûgu dœ

Ne 11 to

Esori (netaa) : E hakilina ye jumen ye samatassegew ka Burukina nōgōnkunben kan?

Diris Jara Baje : Burikina

kunnawolo ye, bawo an tun ma laben ka ne hali dōonin.

Esori : O tuma, a ka labenw kēcogo de m'e diya wa?

Baje : Ny'o de fo ka teme. N'o y'a soro

Misirakaw ye an ka mogow laboli k'u fijebé. Kabini o kera, an ma se ka ku u la bilen. Eziputikaw y'an dan ni kologeleya ni boli de ye, n'o te ntolatan dōnniya la u t'an ne.

Esori : Aw yere dama ni nōgōncela tun be cogo di yen, Burukina ntolatanba in senfe?

Baje : Don o don, an tun be nōgōn soro an ka kapiténifé yen, sani an ka ntolaci damine. An be dusundon nōgōn kōn; min ka kan ka min ke, ka o fo o ye. A san saba ni ko ye nin ye, an be nōgōn bolo, an bennen don, an be nōgōn faamu.

Esori : A tēna mée, zinoriw ka Kupudimondi bēna damine. A be ke Emira Arabu jamana kan, Marisikalo laban na. Malika lajiniw bēna ke mun ye, o nōgōnkunbenba in kēme kan?

Baje : Tōw taakun ye min ye, ka Kuputa, o fana ye Mali taakun ye. Ni nēmogow sera ka an dēme, an ka se ka laben humanw ke, o be fisaya. Bees y'a ye Sedubilen, Jila ni Disaw ye min ke san 1999. Anw fana be se k'o nōgōn ke, hali ka teme o la, n'Ala y'an dēme. An ma Farafinna Kupu soro, o kōrō te ko an te se ka Kupudimondi soro. An man kan k'an jigilatige an yere la.

Lasina Jara
Mahamadu Konta



Mali ntolatanna denmisénw

nōgōnkunben diyara Mali la, bawo an ye joyoro sabanan soro. Tiñe don, Malidenw hakili tun be joyoro folo la, nka n'i y'a laje, sabanan soro li ye an ka labenw tun kēcogo nēna, an tun be se ka fen ke min te nin ye. An ni Eziputikaw ka ntolatan na, bees y'a ye, an ka mogow sēgenna joona.

Kupu di Mondi 2010 Farafinna kōn

Ezipiti, Libi, Maroku, Nizeriya, Afiriki di Sidi ani Tinizi y'u kanbo kupu di Mondi 2010 labenw nōfē. Nin y'a siñe folo ye kupu in ka laben farafinna. Jamana duuru tun don. Nka Nizeriya farala u kan i n'a fo u ka farikolojenajew minisiriso ka kumalasela y'a jira cogo min na. U b'a fe u ni Kameruni ka je ka labenw ke.

Oboyega Okobenro ka folo ni Nizeriya ni Kameruni jera ka kupu di mondji laben, o be ke sababu ye ka ben sabati jamana fila ni nōgon ce. A'ko jekulu min mogow ye 12 ye, n'a nēmogoya be ntolatannaba kōrō Segenni Odebani bolo, o bēna sigi senkan ka poroze in laben. A y'a jira ko farafinna tilebinyanfanjamana sité se ka kupu in laben a kelen.

Lajinisebenw tun ka kan ka laben ka ben ni san 2002 desanburukalo tile 31 ye, wa Nizeriya ye waati laban kōn, desanburukalo tile 30 ka soro k'akanbo ani Tinizi. Afiriki di Sidi min tun bēna

2006 kupu di Mondi labenw soro sōoni, n'olu laban kalifara Alimanji la, o folo y'a kanbo nowanburukalo tile 5; ka Maroku tugu o la (nowanburukalo tile 13; Libi desanburukalo tile 2); Ezipiti (desanburukalo tile 16). Djin seleke naani ntolatantōba «FIFA» ka konjenabojeckulu tun y'a jira ko lajinini be dan farafinna ma.

Jamana woɔrɔninnubēna sēbenw soro sanni san 2003 zanwuyekalo tile 32 ce; u b'u dantige sanni awirilikalo tile 30 ka se.

Tōn minnu be to u kan kan, olu be lajinisebenw jira sanni san 2003 utikalo tile 31 ka se. Kalo minnu be da o kan FIFA be ntolatanyorow laje, ka soro ka sēben do laben k'o di FIFA konjenabojeckulu ma awirilikalo la, san 2004; kalo kelen sanni jamana yere ka sugandi. San 2010 kupu di mondji be tan ekipu 32 fe. Nin kunnafoni bora Lesori kōn.

Badama Dukure

"AMAP" kuntigi Solomani DARABO Mali kanw kunnafonisēbenw baarada kuntigi Nenze Samake Kibaru BP : 24 Téléfoni: 221-21-04 Kibaru Bugufiyé Bozola Bamako - Mali Sēbenbagaw kuntigi Badama Dukure Sebenniékulu Mahamadu KONTA Badama Dukure babuguywo - Kibaru gate dilan baarada Bolen Hako 16.000
